

ԳՈՐԾԱԴԻՐ

ԻՐԱԿԼԻ ՂԱՐԻԲԱՇՎԻԼԻ. «ՊԵՏՈՒԹՅՈՒՆ - ԳՈՐԾԱՐԱՐՈՒԹՅՈՒՆ - ՔԱՂԱՔԱՅԻ ՄԻԱՍՆՈՒԹՅՈՒՆԸ՝ ՏՆՏԵՍԱԿԱՆ ՃԳՆԱԺԱՄԻ ՀԱՂԹԱՀԱՐՄԱՆ ՆԱԽԱՐԶԱՆ»

Կրկնակի կրճատված ներդրումներ, ներքին համախառն արտադրանքի գրեթե 60 տոկոսի հասնող պետական պարտք, նվազեցված ապրանքային շրջանառություն, լարիի անմախաղեպ արժեզրկում, անիրատեսական չափանիշներով հաստատված պետական բյուջե: Ահա այն ժառանգությունը, որը բաժին է ընկել այսօրվա կառավարությանը:

Ահա այսպիսին է երկրում ստեղծված տնտեսական իրավիճակը, թեև Վրաստանում առկա քաղաքական դիմակայությունը եւ ընդդիմության հետ անընդմեջ տարվող բանակցություններն արգելակում են տնտեսական հարցերի կարգավորումը, այդ ուղղությամբ կտրուկ քայլերի ձեռնարկումը: Բայցեւայնպես, կառավարությունը, վարչապետ Իրակլի Դարիբաշվիլու նախաձեռնությամբ, ձեռնամուխ եղավ երկրի էկոնոմիկայի վերականգնման 10-ամյա ծրագրի մշակմանը: Այդ նպատակով համապատասխան նախարարությունների ներկայացուցիչների, փորձագետների ներգ-



րավմամբ ստեղծվեց աշխատանքային խումբ:

(Շարունակությունը՝ 4-րդ էջում)

ՏԱՐԵԼԻՑ

ԱՊՐԻԼԻ 9-Ը՝ ԱԶԳԱՅԻՆ ՄԻԱՍՆՈՒԹՅԱՆ ՕՐ



ցույցը: Բռնի գործողության արդյունքում, զոհվեց

Այսօր՝ ապրիլի 9-ին, լրացավ 1989 թվականի նույն օրը Թբիլիսիի Շոթա Ռուսթավելու պողոտայում տեղի ունեցած ողբերգության 32-րդ տարելիցը:

1989 թվականի ապրիլի 9-ի լուսաբացին խորհրդային զորքերը բռնությամբ ցրեցին մայրաքաղաքի կենտրոնում անցկացվող խաղաղ ցույցը: Բռնի գործողության արդյունքում, զոհվեց

21 մարդ, հարյուրավոր ցուցարարներ բռնավորվեցին զորամիավորումների օգտագործած զազից: Ողբերգությունից ուղիղ երկու տարի անց՝ 1991 թվականի ապրիլի 9-ին, Վրաստանի գերագույն խորհուրդն ընդունեց երկրի Անկախության հռչակագիրը՝ բացելով նորանկախ Վրաստանի պատմության էջը:

(Շարունակությունը՝ 2-րդ էջում)

COVID - 19

ԱՄԻՐԱՆ ԳԱՄՐԵԼԻՁԵ. «ՀՆԱՐԱՎՈՐ Է՝ ՍԿՍՎԻ ՎԱՐԱԿԻ ՀԱՄԵՆԴԱՆՈՒՐ ՏԱՐԱԾՈՒՄ»

Վրաստանի Հիվանդությունների վերահսկման ազգային կենտրոնի ղեկավար Ամիրան Գամդրելիձեի հայտարարությամբ, երկրում համաճարակային իրավիճակը վատթարանում է, եւ հնարավոր է սկսվի վարակի համընդհանուր տարածում:

Նրա խոսքով, վերջին 20 օրվա ընթացքում երկրում համաճարակային իրավիճակի վատթարացում է նկատվում: Ավելանում է ամենօր-

յա դեպքերի քանակը՝ դրականության ցուցանիշը, այսինքն՝ թեստավորվածների դրական արդյունքը: (Շարունակությունը՝ 6-րդ էջում)



«ՎՐԱՍՏԱՆԸ» 100 ՏԱՐԵԿԱՆ Է

«ՎՐԱՍՏԱՆԻՆ»՝ ՄԵԾ ՍԻՐՈՎ ԵՎ ՋԵՐՄՈՒԹՅԱՐ ԹԱՆԿԱԳԻՆ ՎԱՆ, ՍԻՐԵԼԻ «ՎՐԱՍՏԱՆԻՆԻՆ»



(Շարունակությունը՝ 5-րդ էջում)

«ՎՐԱՍՏԱՆԸ» ԻՄ ԿՅԱՆՔՈՒՄ

Հիշում են. դեռ դպրոցական տարիներին աչքս գցած մեր փոստարկղին՝ անհամբեր սպասում էի «Սովետական Վրաստան»-ին, ընդ որում՝ ամեն օր: Երբ արկղի անցքերից սպիտակ գույնն էր երեւում, շնչակտուր վազում էի դեպի փոստարկղը, ագահորեն ձեռքս առնում թերթն ու սկսում կարդալ...



(Շարունակությունը՝ 5-րդ էջում)

ԵԿԵՂԵՑԱԿԱՆ

ՀԻՍՈՒՄ ՔՐԻՍՏՈՍԻ ՍՈՒՐԲ ՀԱՐՈՒԹՅԱՆ ՏՈՆԸ ՎԻՐԱՀԱՅՈՅ ԹԵՄԻ ԵԿԵՂԵՑԻՆԵՐՈՒՄ

Ապրիլի 4-ին, Հիսուս Քրիստոսի Սուրբ Հարության տոնը Վիրահայոց թեմում նշվեց հավատացյալների հոծ բազմության մասնակցությամբ եւ Հայոց եկեղեցու կանոններով ու արարողակարգին համապատասխան:



Ինչպես ճրագալույցի երեկոյան, այնպես էլ՝ Սուրբ Ջատկի օրը Թբիլիսիում, Ռուսթավիում, Բաթումիում, Սամցխե-Ջավախե-

թիում, Մառնեուլիի, Ծալկայի եւ Թեթրիծղարոյի շրջաններում, հավատացյալ բազմության մասնակցությամբ (Շարունակությունը՝ 2-րդ էջում)

ԶԱՏԿԱԿԱՆ ՀՆՈՐՀԱՎՈՐԱՆՔՆԵՐ ՎԻՐԱՀԱՅՈՒԹՅԱՆԸ

Ապրիլի 4-ին, Հիսուս Քրիստոսի Հարության տոնի՝ Սուրբ Ջատկի առիթով վիրահայությանն իրենց շնորհավորանքները հղեցին Վրաստանի նախագահ Սալոմե Ջուրաբիշվիլին, վարչապետ Իրակլի Դարիբաշվիլին, խորհրդարանի նախագահ Արչիլ Թալակվաձեն, հաշտեցման եւ քաղաքացիական իրավահավասարության պետնախարար Թեա Ախլեդիանին, Թբիլիսիի քաղաքապետ Կախա Կալաձեն, Սամցխե-Ջավախեթի նահանգապետ Բեհիկ Ամիրանաշվիլին, կրոնի հարցերով պետական գործակալության ղեկավար Ջազա Վաշադմաձեն:

Իր շնորհավորական ուղերձում վարչապետ Իրակլի Դարիբաշվիլին նշել է, որ սրտանց շնորհավորում է Տիրոջ Հարության տոնի առիթով բոլոր նրանց, ովքեր Քրիստոնեության ամենամեծ տոնը նշում են այսօր:

«Սրտանց շնորհավորում են Տիրոջ Հարության տոնը՝ Կաթոլիկ, Լյութերական եւ Հայ առաքելական եկեղեցիների հետեւորդ մեր համաքաղաքացիներին, բո-

լոր նրանց, ովքեր քրիստոնեական ամենամեծ տոնը նշում են այսօր: Համընդհանուր նորացման եւ ավելի լավ ապագայի հավատքի այս Սուրբ օրը միանում են ձեզ՝ մաղթելով ուրախություն եւ առողջություն, բարեկեցություն եւ խաղաղություն ձեր ընտանիքներին եւ մեր հայրենիքին»,- գրել է կառավարության ղեկավարը ֆեյսբուքյան իր էջում:

ՎՐԱՍՏԱՆ - ՀԱՅԱՍՏԱՆ

ՀԱՅԱՍՏԱՆԻ ԷԿՈՆՈՄԻԿԱՅԻ ՆԱԽԱՐԱՐՈՒԹՅԱՆ ՊԱՏՎԻՐԱԿՈՒԹՅՈՒՆԸ ՎՐԱՍՏԱՆՈՒՄ

Ապրիլի 5-7-ին, պաշտոնական այցով, Վրաստանում էր գտնվում Հայաստանի էկոնոմիկայի նախարարության պատվիրակությունը՝ փոխնախարար Արման Խոջոյանի գլխավորությամբ:

Այցի շրջանակներում, ապրիլի 6-ին կայացավ Վրաստանի շրջակա միջավայրի եւ գյուղատնտեսության նախարար Լեւան Դավիթբաշվիլու եւ Հայաստանի էկոնոմիկայի փոխնախարար Արման Խոջոյանի հանդիպումը: Հանդիպմանը ներկա էր Վրաստանում Հայաստանի ատակարգ եւ լիազոր դեսպան Ռուբեն Սադոյանը:

Տեղեկացնենք, որ Հայաստանում գյուղատնտեսության նախարարությունը լուծարված է եւ նրա իրավասությունները փոխանցված են էկոնոմիկայի նախարարությանը:



Չախից՝ Ռուբեն Սադոյանը, Լեւան Դավիթբաշվիլին եւ Արման Խոջոյանը

Հանդիպմանը քննարկվեց գյուղատնտեսության տարբեր ճյուղերում երկկողմ համագործակցության հետեւն (Շարունակությունը՝ 2-րդ էջում)

ՀԱՆԴԻՊՈՒՄ

ԹԵԱ ԱԽՎԵԴԻԱՆԻՆ ՀԱՆԴԻՊԵՑ «ՎՐԱՍՏԱՆ» ԵՎ «ԳՅՈՒՐՋԻՍՏԱՆ» ԹԵՐԹԵՐԻ ԳԼԽԱՎՈՐ ԽՄԲԱԳԻՐՆԵՐԻ ՀԵՏ

Ապրիլի 2-ին Վրաստանի հաշտեցման եւ քաղաքացիական իրավահավասարության հարցերով պետական նախարար Թեա Ախվեդիանին հանդիպում ունեցավ «Վրաստան» եւ «Գյուրջիստան» թերթերի խմբագիրներ Վան Բայրուրյանի եւ Խալադին Էլչունելի հետ:

Պետոնախարարի հետ աշխատանքային հանդիպմանը քննարկվեցին հայալեզու «Վրաստան» եւ ադրբեջանալեզու «Գյուրջիստան» թերթերի անդրանիկ համարի լույսընծայման 100-ամյա հոբելյանի նշանավորման հետ կապված հարցեր: Հանդիպմանը ընդգծվեց թերթերի նշանակալից դերը ազգային փոքրամասնությունների ներկայացուցիչների, կրոնական եւ լիարժեք տեղեկատվության փոխանցման գործում, ինչը քաղաքացիական իրավահավասարության եւ ինտեգրման պետական քաղաքականության նշանակալից խնդիրն է:



ՀԱՆԴԻՊՈՒՄ ԵՐԻՏԱՍԱՐԴԱԿԱՆ ԿԱԶՄԱԿԵՐՊՈՒԹՅՈՒՆՆԵՐԻ ՆԵՐԿԱՅԱՑՈՒՑԻՉՆԵՐԻ ՀԵՏ



Ապրիլի 6-ին Վրաստանի մշակույթի, սպորտի եւ երիտասարդության հարցերով նախարար Թեա Շուլուկիանին եւ փոխնախարար Սոսո Գիորգաձեն՝ աշխատանքային հանդիպում ունեցան երիտասարդական կազմակերպությունների նախաձեռնող խմբի ներկայացուցիչների հետ եւ քննարկեցին հետագա համագործակցության ծրագրերը:

Նախարարությունում աշխատանքային հանդիպումները երիտասարդական կազմակերպությունների նախաձեռնող խմբի ներկայացուցիչների հետ ակտիվ կշարունակվեն հետագայում եւս: Սարդներին եւ հատկապես 6-15 տարեկան երեխաներին պետք է ավելի մեծ ուշադրություն դարձնել, որպեսզի նրանք ավելի շատ հասանելիություն ունենան սպորտին ու մշակույթին: Աշխատանքային հանդիպմանը մասնակցում էին Վրաստանի երիտասարդական կազմակերպությունների ազգային խորհրդի, Վրաստանի երիտասարդ աշխատողների ասոցիացիայի, Խաղաղության եւ զարգացման ակադեմիայի, «Save the Children» Վրաստանի եւ «Արեւոտ տուն» ոչ ֆորմալ կրթության երիտասարդական կենտրոնի ներկայացուցիչները: Նախարարությունում աշխատանքային հանդիպումները երիտասարդական կազմակերպությունների նախաձեռնող խմբի ներկայացուցիչների հետ ակտիվ կշարունակվեն հետագայում եւս:

ՏԱՐԵԼԻՑ

ԱՊՐԻԼԻ 9-Ը՝ ԱԶԳԱՅԻՆ ՄԻԱՍՆՈՒԹՅԱՆ ՕՐ

(Սկիզբը՝ 1-ին էջում)

Այսպիսով, ապրիլի 9-ը Վրաստանի պատմության մեջ գրանցվեց որպես ողբերգության օր եւ, միաժամանակ, Վրաստանի Անկախության վերականգնման օր: Սկսած 1990 թվականից, այդ օրը հա-

զարավոր մարդիկ, քաղաքական կուսակցությունների, հասարակական կազմակերպությունների ներկայացուցիչներ իրենց խոնարհումն են բերում ապրիլյան ողբերգության զոհերին՝ Ռուսթավելու պողոտայում, կանգնեցված ողբերգության զոհերի հիշատակը հավերժացնող կոթ-

ղի մոտ ծաղկեպսակներ տեղադրելով: Կորոնավիրուսով պայմանավորված խիստ սահմանափակումների պայմաններում, զանգվածային հանրահավաքներ չեն անցկացվում, թեեւ մարդիկ առանձին-առանձին մոտենում են հուշակոթողին, այն զարդարում ծաղիկներով:

ԵԿԵՂԵՑԱԿԱՆ

ՀԻՍՈՒՄ ՔՐԻՍՏՈՍԻ ՍՈՒՐԲ ՀԱՐՈՒԹՅԱՆ ՏՈՆԸ ՎԻՐԱՀԱՅՈՋ ԹԵՄԻ ԵԿԵՂԵՑԻՆԵՐՈՒՄ


(Սկիզբը՝ 1-ին էջում)

ցությանը, տեղի ունեցան արբազան արարողություններ: Թբիլիսիի Սուրբ Գեորգ առաջնորդանիստ եւ Հավլաբարի Սուրբ Էջմիածին եկեղեցիներում կատարվեց ժամերգություն, Անդաստանի արարողություն, ապա, Վիրահայոց թեմի առաջնորդ Տեր Կիրակոս վարդապետ Դավթյանի հանդիսապետությամբ, Հիսուս Քրիստոսի իրաշափառ Հարության տոնի կապակցությամբ Քվեմո

Քարթլիի Շահումյան եւ Կարմիր գյուղերի հոգեւոր հովիվ հոգեշնորհ Տեր Զավեն վարդապետ Յագիչյանը մատուցեց Սուրբ եւ Ամենա պատարագ: Թբիլիսիի Հայոց եկեղեցիներում Սուրբ Հարության տոնակատարությունն իրենց նեկայությամբ հարգեցին վրացական իշխանությունների ներկայացուցիչներ՝ Վրաստանի խորհրդարանի տարածաշրջանային կառավարման կոմիտեի նախագահ Սոզար Սուբարին, Վրաստանի կրոնի հար-

ցերով պետական գործակալության նախագահ Զաքա Վաշաղմաձեն, Վրաստանի կառավարության խորհրդարանական քարտուղարի ծառայության խորհրդական Կարեն Եղիազարյանը, Վրաստանի ժողովրդական պաշտպանի գրասենյակի ազգային փոքրամասնությունների խորհրդի համակարգող Կոբա Չոփլիանին, Վրաստանի հանրային հեռուստատեսության հոգաբարձուների խորհրդի անդամ Իզաբելլա Օսիպովան, նախկին

խորհրդարանական Դավիթ ճիհնաձեն, «Վրաստան» թերթի գլխավոր խմբագիր Վան Բայրուրյանը, ինչպես նաեւ՝ Վրաստանում ՀՀ դեսպանության դիվանագետներ, համայնքային պաշտոնյաներ, կրթության եւ մշակույթի գործիչներ ու բազում հավատացյալներ: Հընթացս Սուրբ պատարագի՝ պատարագիչ Կիրակոս վարդապետն ընթերցեց Ն.Ս.Օ.Տ.Տ. Գարեգին Բ Ամենայն Հայոց կաթողիկոսի գատկական պատգամը:



ՌԻԿՐԱՒԵԼԱ-ՌՈՒՍԱՍՏԱՆ ԼԱՅՆԱԾԱՎԱԼ ՊԱՏԵՐԱԶՄԻ ՇԵՄԻՆ

Իրադրությունը Ուկրաինայի արեւելքում՝ Դոնբասի շփման գծում կարելի է գնահատել որպես բավական վտանգավոր: Իրավիճակը լարվեց նրանից հետո, երբ Ռուսաստանը Արեւելյան Ուկրաինայի վիճահարույց տարածքների մոտ հայտարարեց զորավարժանքների անցկացում եւ Ուկրաինայի սահմանների մոտ տեղակայեց 4 հազարանոց զորախումբ:

Միացյալ Նահանգներն իրենց բողոքն են հայտնել Ռուսաստանի զործողությունների կապակցությամբ եւ Ուկրաինային աջակցելու պատրաստակամություն են հայտնել: Ուկրաինան պահանջել է ՄԱԿ-ի անվտանգության խորհրդի գումարում ստեղծված իրավիճակի քննարկման համար:

ԱՄՆ

ՊԱՏԺԱՄԻՋՈՑՆԵՐ ԹՈՒՐԲԱՅԻ ԴԵՄ

ԱՄՆ-ի Պետդեպարտամենտը թուրքական Պաշտպանական արդյունաբերության վարչությանը (SSB) պատժամիջոցների արժանի է համարել ռուսաստանյան պաշտպանական սեկտորի հետ գործարքի համար:

Ծանուցման համաձայն, ԱՄՆ-ի քաղաքացիներին արգելվում է գործեր վարել գործարքին մասնակից թուրքիայի այդ քաղաքացիների հետ: Ցուցակի ֆիզուրանտների ակտիվներն ԱՄՆ-ում սառեցվում են, ամերիկյան իշխանությունները մոտքի այցեգրեր չեն տալու այդ մարդկանց: SSB-ի նկատմամբ արգելքներ են սահմանվում ամերիկյան արտադրանքի արտահանման համար: Արգելվում է 10 մլն դոլարից ավելի վարկեր տալ SSB-ին:

ԵՎՐԱՄԻՈՒԹՅՈՒՆ

ԱՆՀԱՐԳԱԼԻՑ ՎԵՐԱԲԵՐՄՈՒՆՔ ԵՎՐԱՀԱՆՁՆԱԺՈՂՈՎԻ ՆԱԽԱԳԱՀԻ ՆԿԱՏՄԱՐԵ

Եվրախորհրդարանի պատգամավորներն ապշած են թուրքիայի մայրաքաղաք Անկարայում տեղի ունեցած միջադեպից, որի ժամանակ Եվրահամաժողովի ղեկավար Ուրսուլա Ֆոն դեր Լայենին աթոռ չեն տրամադրել, որպեսզի նա մատի նախագահ Ռեջեփ Թայյիպ Էրդողանի եւ Եվրախորհրդի նախագահ Շառլ Միշելի կողքին ինչպես եւ նախատեսված է արարողակարգով: Արդյունքում, Ֆոն դեր Լայենը ստիպված է եղել մատել բազմոցին:

ՎՐԱՍՏԱՆ - ՀԱՅԱՍՏԱՆ

ՀԱՅԱՍՏԱՆԻ ԷԿՈՆՈՄԻԿԱՅԻ ՆԱԽԱՐԱՐՈՒԹՅԱՆ ՊԱՏՎԻՐԱԿՈՒԹՅՈՒՆԸ ՎՐԱՍՏԱՆՈՒՄ

(Սկիզբը՝ 1-ին էջում)

ռանկարներին առնչվող հարցերի լայն շրջանակ:

Որոշ պայմանավորվածություններ ձեռքբերվեցին համատեղ ջանքերով քայլեր ձեռնարկել տարանցիկ գոտում իրականացվող ստուգումները դյուրացնելու ուղղությամբ: Ավելորդ խոչընդոտներից խուսափելու նպատակով, քննարկվեց նաեւ Վրաստանի տարածքով փոխադրումների կազմակերպման համար անհրաժեշտ փաստաթղթերը նախապես պատրաստելու հնարավորությունը:

Մինչ այդ, Հայաստանի Էկոնոմիկայի նախարարության պատվիրակությունը հանդիպում ունեցավ նաեւ Վրաստանի շրջակա միջավայրի եւ գյուղատնտեսության նախարարի տեղակալ Օթար Շամուգիայի հետ:

Հանդիպմանը քննարկվեցին տարածաշրջանային ծրագրերի իրականացման հնարավորությունները, ինչ-

պես նաեւ՝ գտնել Վրաստանի տարածքով Հայաստանից դեպի այլ երկրներ կոնյակի սպիրտ եւ գինի տեղափոխելու ընթացքում առաջացող, այդ թվում՝ մակնիշմանն առնչվող խնդիրների լուծման ուղիները:

Հանդիպմանը ձեռքբերվեցին նախնական պայմանավորվածություններ՝ «Մսխալի», «Սապերավի» եւ «Ոքածիթելի» խաղողի տեսակների փոխադրման ընթացքում խնդիրների վերացման վերաբերյալ: Անդրադարձ է կատարվել նաեւ Հայաստանում խաղողի «Կախեթ» տեսակի արտադրությանն ու Վրաստանում Կախեթի աշխարհագրական անվանմանը: Այս խնդրի առնչությամբ կողմերը պայմանավորվել են ստեղծել աշխատանքային խումբ, որը կուսումնասիրի Վրաստանի Կախեթի տեղանվան պահպանման եւ, միաժամանակ, Հայաստանում արտադրվող «Կախեթ» խաղողի տեսակի գինիների անխոչընդոտ վաճառքի հնարավորությունը: Այդ շրջանակներում, հայկական պատվիրակություն



այցելեց նաեւ Վրաստանի Գինու ազգային գործակալություն: Գյուղատնտեսության ոլորտում փորձի փոխանակման նպատակով, առաջիկայում նախատեսվում է վրացական պատվիրակության այցը Հայաստան:

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

ՍԱՄՑԻՆԵ - ՋԱՎԱԽԵԹԻ

ՆԵՐԿԱՅԱՑՎԵՑ ՔԱՂԱՔԱՑԻԱԿԱՆ ԻՐԱՎԱՅԱՎԱՍԱՐՈՒԹՅԱՆ ԵՎ ԻՆՏԵԳՐԱԿԱՆ ՌԱԶՄԱՎԱՐՈՒԹՅԱՆ ՆԱԽԱԳԻԾԸ

ՀԱՆԳԻՊՄԱՆԸ ՄԱՍՆԱԿՅՈՒՄ ԷԻՆ ԽՈՐՀՐԱՐԱՆԻ ՊԱՏԱՍԿԱՐԴՆԵՐ ՍԱՄՎԵԼ ՄԱՆՈՒԿՅԱՆԸ, ՍՄԲՍ ԿՅՈՒՐԵՂՅԱՆԸ ԵՎ ՄԽԱՔԱՄԱՐԻ ԵՎ ՆԻՆՈՍՏԻՆԻԱՅԻ ՔԱՂԱՔԱՊԵՏԵՐ ՅՈՒՐԻ ՌԻՆԱՆՅԱՆԸ ՈՒ ԱՆԻ ՄՈՍՈՅԱՆԸ

Վրաստանի հաշտեցման եւ քաղաքացիական իրավահավասարության հարցերով պետնախարարի աշխատակազմը, Սամցխե-Ջավախեթի տրա-ծաշրջանի տեղական իշխանության եւ քաղաքացիական հասարակու-թյան ներկայացուցիչներին ներկայացրեց քաղաքացիական իրավահա-վասարության եւ ինտեգրման ռազմավարության մասնագիծը: Հանդիս-մանը ելույթ ունեցան հաշտեցման եւ քաղաքացիական իրավահավասա-րության հարցերով պետնախարարի առաջին տեղակալ Լիա Գիգաուրին եւ Սամցխե-Ջավախեթի տարածաշրջանի պետական լիազոր Բենիկ Ամի-րամաշվիլին: Միջոցառմանը ներկա էին Վրաստանի խորհրդարանի պատ-գամավորներ Սամվել Սանուկյանն ու Սմբատ Կյուրեղյանը եւ Ախալքալաքի ու Նինոծմինդայի քաղաքապետեր Յուրի Ունանյանը եւ Անի Մոսոյանը:



Լիա Գիգաուրին հանդիպման մաս-նակիցներին մանրամասն ներկայաց-րեց «Քաղաքացիական իրավահավա-սարության եւ ինտեգրման 2021-2030 թվականների պետական ռազմավարու-թյան» մասնագիծը, միաժամանակ խո-սեց քաղաքացիական իրավահավասա-րության եւ ինտեգրման 2015-2020 թվա-կանների քաղաքականության ձեռքբե-րումների եւ դեռեւս առկա հիմնախն-դիրների մասին:

- 2021-2030 թվականների ռազմավա-րական փաստաթուղթը սահմանում է այն հիմնական առաջնահերթություններն ու նպատակները, որոնց ուղղությամբ գոր-

ծելու են երկրի ինչպես հանրային գերա-տեսչությունները, այնպես էլ՝ քաղաքա-ցիական իրավահավասարության ու ին-տեգրման ուղղությամբ գործող կազմա-կերպությունները: Մեծ նշանակություն ենք տալիս ռազմավարության փաստաթղ-թի մասնագիծի հանրային քննարկմանն ու քաղաքացիական հատվածի հետ համա-գործակցությանը: Այսօրվա քննարկումն արտակարգ նշանակալից է: Ներկայաց-վեցին համընդհանրականներ, այդ թվում՝ քննարկվեցին այն մեխանիզմները, որոնք կմեծացնեն ռազմավարության արդյու-նավետությունն ու շրջադարձային փո-փոխություններ կիրականացնեն Վրաս-

տանում ապրող ազգային փոքրամաս-նությունների ներկայացուցիչներին, հա-սարակական իրավահավասարության եւ ինտեգրման, պետական լեզվի կարգա-վիճակի ուժեղացման ուղղությամբ,- հայ-տարարեց Լիա Գիգաուրին:

«Քաղաքացիական իրավահավասա-րության եւ ինտեգրման 2021-2030 թվա-կանների պետական ռազմավարության» մասնագիծը մշակվել է ԱՄՆ միջազգային զարգացման գործակալության (USAID) եւ Վրաստանի ՄԱԿ-ի ասոցիացիայի (UNAG), «Հանդուրժողականության, քա-ղաքացիական գիտակցության եւ ինտեգր-ման ծրագրի» (PITA) աջակցությամբ:

ՄԱՌՆԵՈՒԼԻԻ ՄՈՒՆԻՑԻՊԱԼԻՏԵՏ



ՎԵՐՋԱՊԵՍ ԿՎԵՐԱՆՈՐՈԳՎԻ ՆԱԵՎ ԽՈԺՈՒՆԻ ՏԱՆՈՂ ԵՎ ՆԱԽԱՐԱՐՅԻ ՎԵՐՋԻՆ 3 ԿԻԼՈՄԵՏՐԱՆՈՑ ՀԱՏՎԱԾԸ

Ապրիլի 7-ին սկսվեց Մառնեուլիի մունիցիպալիտետի Գյու-լիբաղ-խոժոռնի ավտոճանապարհի վերջին 2,8 կիլոմետրա-նոց հատվածի վերանորոգումը: Դեռեւս երկու տարի առաջ սկսված շինարարական աշխատանքները, կորոնավիրուսի համավարակով պայմանավորված, դադարեցվել էին:

«Վրաստան» թերթի թղթակիցը հեռա-խոսազրույց վարեց Խոժոռնիի վարչա-կան միավորից Մառնեուլիի մունիցիպա-լիտետի սակրեբուլոյի պատգամավոր Արսեն Հախվերդյանի հետ եւ խնդրեց մանրամասն պատմել սկսված աշխա-տանքների մասին:

- Իրոք, մեզ համար այսօր առանձ-նակի օր է: Խոժոռնիի վարչական միա-վորում ներառված Խոժոռնի, Ծոփ, Բր-դաձոր, Գյուլիբաղ գյուղերի բնակիչնե-րի համար այդ ճանապարհը արտակարգ նշանակալից է, առանձնապես՝ խոժոռ-նեցիների համար:

Տարիներ շարունակ ճանապարհի կար-գավորման հարցը բարձրացվում էր ինչ-պես տեղական, այնպես էլ՝ կենտրոնա-

կան իշխանության առջեւ եւ վերջապես, երկու տարի առաջ կոնկրետ քայլեր կա-տարվեցին հիմնախնդրի կարգավորման ուղղությամբ: Ճիշտ է, կորոնավիրուսի համավարակի պատճառով դրանք դա-դարեցվեցին, սակայն այսօր վերանորոգ-ման աշխատանքները վերսկսվեցին եւ համոզված եմ, որ դրանք կհասց-վեն ավարտին:

- Իսկ ի՞նչ միջոցներով է իրա-կանացվում վերանորոգումը:

- Միանգամից ասեմ, որ այդ 2,8 կիլոմետրանոց ճանապարհա-հատվածի վերանորոգման մախա-հաշվարկը կազմել է մեկ միլիոն լարի, եւ այդ գումարը հաջողվեց հայթայթել մեր մունիցիպալիտե-

տի ղեկավարների եւ, առանձնապես, Վրաստանի խորհրդարանում Մառնեու-լիի մեծամասնական պատգամավոր Զաուր Դարգալի ջանքերով: Բնականաբար, հա-մավարակի պայմաններում տնտեսական անկման իրավիճակում, ճանապարհի վե-րանորոգման համար միջոցների ապա-հովումը այնքան էլ դյուրին գործ չէր, ուս-տի, մենք առանձնակի շնորհակալություն ենք հայտնում բոլոր նրանց, ովքեր հնա-րավորինս արեցին գումարի ձեռքբերման եւ վերանորոգման աշխատանքներին նոր ազդակ հաղորդելու համար:



ՄՈՑԻԱԼԱԿԱՆ

ԼԱՐԻԻ ԱՐԺԵՉՐԿՈՒՄԸ ՀԱՆԳԵՅՆՈՒՄ Ե ԲԵՆՋԻՆԻ, ԿՈՄՈՒՆԱԼ ԾԱՌԱՅՈՒԹՅՈՒՆՆԵՐԻ ՍԱԿԱԳՆԵՐԻ, ԲՈՒՄԱԿԱՆ ՅՈՒՂԻ, ԿԵՆՍԱԿԱՆՈՐԵՆ ԿԱՐԵՎՈՐ ԱՊՐԱՆՔՆԵՐԻ ԹԱՆԿԱՅՄԱՆԸ

Կորոնավիրուսի համավարակով պայմանավորված գլոբալ տնտեսական ճգնաժա-մը խիստ բացասաբար է անդրադառնում էկոնոմիկայի կայունության վրա հիմնված ազգային տարադրամի փոխանակման կուրսի, հետեւաբար՝ լայն սպառման ապրանք-ների գների վրա:

Ինչպես արդեն հաղորդել ենք, չնայած Վրաստանի Ազգային բանկի ակտիվ մի-ջանտույնության, լարիի կուրսի անկումը թեեւ դանդաղեցվեց, սակայն շարունակվում է: Ներկա դրությամբ, ԱՄՆ մեկ դոլարի հաշ-վով, լարիի համարժեքը գերազանցում է 3,4 լարին, իսկ եվրոյի համեմատ՝ վաղուց հատել է 4 լարիի շեմը: Վրաստանի վիճա-կագրական ծառայության տվյալներով, Վրաստանում արժեզրկման մակարդակը կազմել է 4,2 տոկոս, իսկ տարեկան կտր-վածքով՝ 7,2 տոկոս:

Բնականաբար, լարիի արժեզրկումը հան-գեցնում է կենսական անհրաժեշտ ապրանք-ների թանկացման: Խոսքը, առաջին հերթին, վառելանյութի մասին է, մասնավորապես՝

բենզինի: Մենք արդեն նշել ենք, որ Վրաս-տանում մեկ լիտր բենզինի գինն անշեղո-րեն մոտենում է 3 լարիի շեմին: Այսօրվա դրությամբ, «Regular» բենզինի միջին գինը կազմում է 2,58-2,62 լարի, «Premium»-ի մեկ լիտրը՝ 2,79-2,82, «Super» տեսակը՝ 2,88-2,92: «Super»-ի որոշ կատեգորիաներ՝ 3,08 լարի: Միայն վերջին մեկ ամսում բենզինը 15 թեթրիով, իսկ մեկ տարվա կտրվածքով՝ 60-70 թեթրիով թանկացել է:


Մասնագետների պարզաբանմամբ, Վրաստանում բենզինի գնաճը պայմանա-վորված է ինչպես միջազգային շուկանե-րում գնի փոփոխությամբ, այնպես էլ՝ դո-լարի համեմատ լարիի արժեզրկմամբ: Տա-րեկաբեց նախամթերքի գինը համաշխար-

հային շուկայում միայն աճել է: Ապրիլի 5-ին, Լոնդոնի առաջատար ֆոնդային բոր-սայում կայացած առջուվաճառքի արդ-յունքում, «Brent» տեսակի նավթի մեկ բա-րելն արժեք 68,65 դոլար՝ հունվարի սկզ-բին՝ 50,73 դոլարի փոխարեն:

Հիշեցնենք, որ Վրաստանում բենզինը ներ-մուծվող արտադրանք է, եւ դրա գինը պարունակում է նաեւ ֆիքսված ակցիզային հարկ, որը 2017 թվականից հետո աճել է եւ, մեկ տոննայի հաշ-վով, կազմել՝ 500 լարի:

Թանկանում է ոչ միայն բենզինը: Կտրուկ աճել է նաեւ բուսական յուղի գինը: Լրիվ ծավալով ներմուծվող այդ բնամթերքը, վեր-ջին մեկ ամսվա ընթացքում, թանկացել է գրեթե 100 տոկոսով:

Սակագների ավելացում է վավերացվել նաեւ կոմունալ ծառայություններում: Մաս-նավորապես, ջրամատակարարումը թան-կացել է 58,0 տոկոսով, էլեկտրաէներգիան ու գազը՝ 51,4 տոկոսով: Ընդհանուր առ-



ԽԱՍԱՑՎՈՒՄ Ե ԺԱՄԿԵՏԱՆՑ ՄԹԵՐՔՆԵՐԻ ՀԱՐՑՈՎ ՊԱՏԱՍԽԱՆԱՏՎՈՒԹՅՈՒՆԸ

Փոփոխությունների համաձայն, ժամկե-տանց սննդամթերքի/կենդանիների կերի շուկայում տեղավորումը կհանգեցնի փոքր բիզնեսի կարգավիճակ ունեցող անձի հա-մար 200 լարի, այլ բիզնես-օպերատորի հա-մար՝ 500 լարի տուգանքների: Գործողու-թյան կրկնությունը կհանգեցնի 3000 լարի տուգանքի: Միաժամանակ, ըստ փոփոխու-թյունների, առանց արտոնագրման մանկա-կան սննդի արտադրությունն ու փաթեթա-վորումը բիզնես-օպերատորի համար կհան-գեցնի 2000 լարի տուգանքի եւ գործունեու-թյան կասեցման:

ՇԱՐՈՒՆԱԿՎՈՒՄ Ե 200 ԼԱՐԻԱՆՈՑ ՓՈԽՀԱՏՈՒՑՄԱՆ ՀԱՆՁՆՈՒՄԸ

Ջրաղվածության խթանման պետական գործակալության հաղորդմամբ, շարու-նակվում է քաղաքացիների նպատակային սոցիալական օգնության տրամադրումը, ներառյալ՝ համավարակի երկրորդ ալիքի ժամանակ աշխատանքը կորցրած քաղա-քացիներին:

Արդեն սկսվել է մարտ ամսվա 200 լա-րի օգնության հատուցումը, որ տրամադր-վելու է 130 645 մարդու, ընդհանուր առ-մամբ՝ 26 129 000 լարիի չափով:

Փետրվարին 200 լարի օգնություն է փո-խանցվել 139 618 անձի (27 923 600 լա-րի): Հունվարի դրությամբ, փոխհատուցման գումարը փոխանցվել է 106 362 անձի, ընդ-հանուր առմամբ՝ 21 272 400 լարի:

ԾՆԵԼԻՈՒԹՅՈՒՆԸ ՆՎԱԶԵԼ Է, ՍԱՀԱՑՈՒԹՅՈՒՆԸ՝ ԱՃԵԼ

Վրաստանի Ազգային վիճակագրական ծառայության տվյալների համաձայն, Վրաս-տանում կենդանի ծնված երեխաների թի-վը կազմել է 46 520, այդ թվում՝ 24 289 տղա եւ 22 231 աղջիկ: Այս ցուցանիշը, նախորդ տարվա համեմատ, կրճատվել է 3,7 տոկոսով:

Ազգային վիճակագրական ծառայության տվյալներով, 2020 թվականին, 2019 թվակա-նի համեմատ, մահացությունների թիվն աճել է 8,3 տոկոսով՝ կազմելով 50 537 հոգի:

ԳՈՐԾԱԴԻՐ

ԻՐԱԿԼԻ ՂԱՐԻԲԱՇՎԻԼԻ. «ՊԵՏՈՒԹՅՈՒՆ-ԳՈՐԾԱՐԱՐՈՒԹՅՈՒՆ-ՔԱՂԱՔԱՅԻ ՄԻԱՍՆՈՒԹՅՈՒՆԸ՝ ՏՆՏԵՍԱԿԱՆ ՃՈՂԱԺԱՄԻ ՀԱՂԹԱՀԱՐՄԱՆ ՆԱԽԱՐՅԱԼ»

(Սկիզբը՝ 1-ին էջում)

ՏՆՏԵՍԱԿԱՆ ԱՆԿՈՒՄՆ ԱԿՆՉԱՅՏ Է

Կորոնավիրուսի համավարակով պայմանավորված երկրում առկա ճգնաժամային իրավիճակը հստակ ցուցադրվում է տնտեսական աճի չափանիշներով: Նշենք, որ համաշխարհային տնտեսական գլոբալ ճգնաժամի ֆոնի վրա երկրում տնտեսական աճը կազմել է ընդամենը 0,3 տոկոս, ինչն իրականում, նախորդ տարիների համեմատ, նշանակում է 6,2 տոկոսի անկում: Դա, բնականաբար, հանգեցնում է ներքին համախառն արտադրանքի պակասորդի, ինչը կազմել է շուրջ 9,3 տոկոս: Անցյալ տարի Վրաստանի հարկային բալանսը, այսինքն՝ երկիր մուտք գործող եւ արտահանվող տարադրամային հոսքի ծավալը ավելացավ երկու անգամ եւ կազմեց ներքին համախառն արտադրանքի 12,3 տոկոսը, ինչը կազմեց շուրջ 2 միլիարդ ԱՄՆ դոլարի պակասորդ: Համեմատության համար նշենք, որ 2019 թվականին այդ գումարը կազմում էր ներքին համախառն արտադրանքի ընդամենը 5 տոկոսը, իսկ պակասորդը հասավ 891 միլիոն դոլարի:

Անցյալ տարի ամսիջական օտարերկրյա ներդրումները, 2018-2019 թվականի համեմատ, նվազեցին երկու անգամ եւ կազմեցին ընդամենը 617 միլիոն ԱՄՆ դոլար: Հատկանշական է, որ այդ գումարից 561 միլիոնը նախատեսված է վերաներդման համար, մնացած 56 միլիոնից միայն 9 միլիոն դոլարն է ծրագրված օգտագործել՝ որպես բաժնետիրական կապիտալի ավելացում, իսկ այդ գումարի մեծագույն մասը՝ 47 միլիոն դոլարը տրվել է որպես վարկ:

ՊԵՏԱԿԱՆ ՊԱՐՏՔՆ ԱՃՈՒՄ Է

2020 թվականին պետական պարտքն ավելացավ 10 միլիարդ լարիով, եւ այդ գումարն օգտագործվեց համավարակային միջոցառումների իրականացման համար: Արդյունքում, արտաքին պարտքի ծավալը հասավ

ներքին համախառն արտադրանքի 60 տոկոսի մակարդակին եւ, քանի որ հանրային ու մասնավոր համագործակցության նախագծերի շրջանակներում ստանձնած պարտավորությունների արժեքը սահմանված էր ներքին համախառն արտադրանքի 0,8 տոկոսով, հետեւաբար, ընդհանուր առմամբ, այսօրվա դրությամբ, պետության արտաքին պարտքը հասել է ներքին համախառն արտադրանքի 60,8 տոկոսի մակարդակին (հիշեցնենք, որ 2020 թվականի համար կառավարությունն արտաքին պարտքի համար ծրագրում էր ներքին համախառն արտադրանքի 45 տոկոսը, իսկ 2019 թվականին այն կազմում էր ընդամենը 42 տոկոս):

ԱՊՐԱՔԱՆԴՐԱՆԱՊՈՒԹՅՈՒՆԸ ՆՎԱՋԵՑ

Անցյալ տարի արտաքին պարանքաշրջանառությունը նվազեց 14,6 տոկոսով եւ կազմեց ընդամենը 11371,9 միլիոն ԱՄՆ դոլար: Այս տարվա հունվար-փետրվար ամիսներին վերոնշյալ ցուցանիշը կազմեց 1,65 միլիարդ ԱՄՆ դոլար, ինչը, 2020 թվականի համապատասխան ժամանակահատվածի համեմատ, նվազեց 12 տոկոսով: Հատկանշական է, որ նվազել են ոչ միայն ներկրման, այլեւ արտահանման ցուցանիշները: Համապատասխանաբար՝ 14 եւ 6,8 տոկոսով:

ԱՆԱԽԱՂԵՊ ԱՐԺԵՋՐԿՈՒՄ

2020 թվականին հարկային հաշվեկշռում 1,1 միլիարդ ԱՄՆ դոլարի հասնող պակասորդը հանգեցրեց ազգային տարադրամի՝ լարիի 15 տոկոսանոց արժեզրկման: Ցավոք, այս տարի լարիի արժեզրկումը շարունակվում է: Միայն ընթացիկ տարվա մարտ ամսին դոլարի համեմատ լարին արժեզրկվեց 3 տոկոսով եւ այսօր գերազանցում է 3,4-ի բնագիծը:

Անցյալ տարի լարիի անկումը կազմեց 5,2 տոկոս: Ընթացիկ տարվա ընթացքում այդ միտումը շարունակվում է: Մասնավորապես, մարտին փետրվարի համեմատությամբ, անկումը կազմեց 4,2 տոկոս, ինչը տարվա կտրվածքով, հասնում է 7,2 տոկոսի:

ՀԱՐՑՈՒՄ

ԲՆԱԿՉՈՒԹՅԱՆ 60 ՏՈԿՈՍԸ ԴԵՄ Է ԽՈՐՀՐԴԱՐԱՆԻ ԲՈՅԿՈՏԻՆ, ԻՍԿ 33 ՏՈԿՈՍԸ ԱՐՏԱՅԱՅՏՎԵԼ Է ԱՐՏԱՅԵՐԹ ԸՆՏՐՈՒԹՅՈՒՆՆԵՐԻ ԴԵՄ



Ընթացիկ տարվա փետրվարի 2-26-ին, Վրաստանի տարածքով Միջազգային հանրապետական ինստիտուտի հետազոտական կենտրոնի անունից՝ Բալթյան ուսումնասիրությունների եւ «Գելափ» կազմակերպության ներկայացուցիչ ղոկտոր Ռասա Ալիշ-աուսկինեի կողմից հարցում է անցկացվել, որը կոչված էր ներկայացնելու 2020 թվականի խորհրդարանական ընտրություններից հետո բնակչության տրամադրվածությունը, կորոնավիրուսի համավարակի դեմ իրականացվող միջոցառումների, համավարակով պայմանավորված էկոնոմիկայի վատթարացման կապակցությամբ մտահոգությունները: Ամսիջականորեն հարցում իրականացրած «IRI»-ի կողմից տվյալները հավաքագրվել են շերտավորված բազմաստիճան պատահական ընտրության մեթոդով՝ անսիջական հարցազրույցների միջոցով: Հարցման են ենթարկվել քվեարկելու իրավունք եւ տարիք ունեցող 1500 մասնակից: Տվյալները գնահատվել են ըստ տարիքի, սեռի, շրջանի եւ բնակավայրի չափի: Միայն +/- 2,5 տոկոս է, արձագանքի ցուցանիշը՝ 75 տոկոս: Ուսումնասիրությունը հնարավոր է դարձել իրականացնել ամերիկյան ժողովրդի աջակցությամբ՝ Միացյալ Նահանգների միջազգային զարգացման գործակալության միջոցով:

ԵԹԵ ԿԻՐԱԿԻ ԱՆՑԱՅԱՅՏԵԼ ԸՆՏՐՈՒԹՅՈՒՆՆԵՐ, ԱՊԱ «ԵՐԱՋԱՆՔԻ» ՕԳՏԻՆ ԿԶԿԵԱՐԿԻ 35 ՏՈԿՈՍԸ, «ԱԶԳԱՅԻՆՆԵՐԻ» ՕԳՏԻՆ՝ 18 ՏՈԿՈՍԸ

Միջազգային հանրապետական ինստիտուտի (IRI) հարցման համաձայն, եթե կիրակի ընտրություններ անկացվեն, ո՞ր կուսակցության օգտին կքվեարկեն հարցի հարցման ենթարկվածների 35 տոկոսը պատասխանել է, որ կքվեարկի «Վրացական երազանքի», 18 տոկոսը՝ «Միացյալ ազգային շարժման», իսկ 3 տոկոսը՝ «Եվրոպական Վրաստանի» օգտին:

Հարցվածների երեք տոկոսը կողմ կքվեարկի «Ռազմավարությունը՝ շինարարի», «Գիրչի», երկուական տոկոսը՝ «Հայրենասերների ալյանսի», «Լեյբորիստական կուսակցության», «Քաղաքացիների» օգտին: Մեկ տոկոսը գերադասությունը տալիս է «Լեյն»-ին:

Ոչ մի կուսակցության համար չէր քվեարկի տասը տոկոսը, 15 տոկոսը չի պատասխանել հարցին:

Միեւնույն ժամանակ, այն հարցին, թե ո՞ր կուսակցության համար ոչ մի դեպքում չէր քվեարկի, հարցվածների 27 տոկոսը անվանել է «Վրացական երազանք», 26 տոկոսը՝ «Ազգային շարժում»:

ԲՆԱԿՉՈՒԹՅԱՆ ԵՐԿՈՒ ԵՐՐՈՐԴԸ ԴԵՄ Է ԽՈՐՀՐԴԱՐԱՆԱԿԱՆ ԲՈՅԿՈՏԻՆ

Միջազգային հանրապետական ինստիտուտի անցկացրած հարցման արդյունքներով, իշխող եւ ընդդիմադիր կուսակցությունների տարածայնությունների ֆոնին քաղաքացիների 60 տոկոսը չի պաշտպանում ընդդիմադիր կուսակցությունների կողմից խորհրդարանական գործունեության բոյկոտը: Ընդ որում,

այդ թվից 42 տոկոսը «ամբողջովին չի աջակցում», իսկ 18 տոկոսը՝ «որոշ չափով չեն աջակցում» բոյկոտի գաղափարը:

ԻՍԿ ՄԵԿ ԵՐՐՈՐԴԸ՝ ԸՆԴՀԱՆՐԱՊԵՆ ԴԵՄ Է ԱՐՏԱՅԵՐԹ ԸՆՏՐՈՒԹՅՈՒՆՆԵՐԻՆ

«IRI»-ի կողմից անցկացված հարցումը ցույց է տվել, որ բնակչությունը հոռետեսական է տրամադրված արտաքին ընտրությունների անցկացման մասին ընդդիմության պահանջին: Հարցման արդյունքներով, 33 տոկոսը նշել է, որ կտրականապես դեմ է արտաքին ընտրություններին, 12 տոկոսը՝ այդ հարցում մասնակիորեն չի կիսում ընդդիմության պահանջը:

Հարցվածների 25 տոկոսը համաձայն է ընդդիմադիր կուսակցությունների պահանջներին, մինչդեռ 20 տոկոսը մասնակիորեն համաձայն է:

ԳԼԽԱՎՈՐ ՄԱՐՏԱՅՐԱՎԵՐԸ՝ ԷԿՈՆՈՄԻԿԱՅԻ ԱՆԿՈՒՄՆ ՈՒ ԳՈՐԾԱԶՐԿՈՒԹՅՈՒՆՆ Է

«IRI»-ի հարցման արդյունքները հստակ արտահայտեցին կորոնավիրուսի համավարակի պայմաններում բնակչությանը հուզող ամենագլխավոր մարտահրավերը՝ տնտեսական իրավիճակի վատթարացումն ու դրանով պայմանավորված գործազրկության մակարդակի բարձրացումը: Նման կարծիք հայտնեց հարցման ենթարկվածների 65 տոկոսը, 37 տոկոսի համոզմամբ՝ երկրում հիմնական խնդիրը գների աճն է եւ կյանքի պայմանների վատթարացումը: 26 տոկոսը որպես հիմնական խնդիր նշում է աղքատությունը, 16 տոկոսը կարծում է, որ երկրում հիմնական խնդիրը կորոնավիրուսն է:

ԶԲՈՍԱՇՐՋՈՒԹՅՈՒՆԸ ԳՆԱԺԱՄԱՅԻՆ ՊԱՅՄԱՆՆԵՐՈՒՄ

2020 թվականի հարկային հաշվեկշռի վրա ամենահզոր հարվածը հասցրեց զբոսաշրջության ոլորտի 2,7 միլիարդ դոլարի հասնող պակասորդը: Անցյալ տարի կտրուկ նվազեց օտարերկրյա զբոսաշրջիկների թիվը: 2020 թվականին երկիր այցելեց ընդամենը 1 միլիոն 470 հազար օտարերկրացի, ինչը, նախորդ տարվա համեմատ, 81,3 տոկոսով պակաս է: 2020 թվականին զբոսաշրջության ոլորտում ստացված 542 միլիոն ԱՄՆ դոլարը 83,4 տոկոսով զիջում է նախորդ տարվա ցուցանիշին: Պակասորդը կազմեց 2 միլիարդ 720 միլիոն ԱՄՆ դոլար:

ՏՆՏԵՍԱԿԱՆ ԳՆԱԺԱՄԻ ՀԱՂԹԱՀԱՐՄԱՆ ՈՒԴԻՆԵՐԸ

Ինչպես հայտարարեց Վրաստանի վարչապետ Իրակլի Դարիբաշվիլին, կառավարությունը մշակում է ճգնաժամի հաղթահարման կոնկրետ ծրագիր: «Մենք առավելագույնս կարճ ժամանակահատվածում պետք է ակտիվացնենք պատվաստման գործընթացը, դա նրա նախադրյալն է, որ բնակչությունը կարողանա նորմալ իրականացնել գործունեությունը եւ խթանել էկոնոմիկան», - հայտարարեց Իրակլի Դարիբաշվիլին եւ հավելեց, որ նման պայմաններում մշակակալից է գործարարների համար արգելքների վերացումը: «Ըստ իս, գործարարությունը պետք է ունենա հնարավորինս քիչ արգելքներ, որքան հնարավոր է քիչ բյուրոկրատիա, ինչպես կենտրոնական կարավարության, այնպես էլ երկրամասերի մակարդակներում: Արագ որոշումներ եւ համատեղ համակարգված աշխատանք պետության, գործարարության եւ քաղաքացիների կողմից այս երեք սուբյեկտները պետք է միավորվեն: Այսօր միասնության օր է, որպեսզի երկիրը կարողանաք դուրս բերել ներկայիս տնտեսական ծանր ճգնաժամից», - հայտարարեց վարչապետը:

Իրակլի Դարիբաշվիլին արդեն հայտարարել է, որ մայիսի վերջերին, 100 օրվա ընթացքում հանրությանը կներկայացվի երկրի տնտեսական վերականգնման 10-ամյա ծրագիր:

ԻԼԻԱ ԵՐԿՐՈՐԴԸ՝ ԵՐԿՐԻ ԱՄԵՆԱՅԵՐԻՆԱԿԱՎՈՐ ԱՆՋՆԱՎՈՐՈՒԹՅՈՒՆՆ Է

«IRI»-ի ուսումնասիրության համաձայն, քաղաքական եւ հասարակական գործիչների ամենական վարկանիշում, առաջատարն են Համայն Վրաստանի Կաթողիկոս-Պատրիարք Իլիա Երկրորդը, հարցման անցկացման ժամանակ երկրի վաչապետ Գիորգի Գախարիան եւ Թբիլիսիի քաղաքապետ Կախա Կալաձեն:

Մասնավորապես, «Ցուցական ընդգրկված քաղաքական եւ հասարակական գործիչներից, ո՞վ է ձեզ համար ընդունելի» հարցին ի պատասխան՝ հարցման ենթարկվածների 89 տոկոսը գերադասությունը տվել է Կաթողիկոս-Պատրիարքին, 65 տոկոսը՝ Գիորգի Գախարիային, իսկ 54 տոկոսը՝ Կախա Կալաձեին: Ավելացնենք, որ հարցման ենթարկվածների 52 տոկոսը նշել է Դավիթ Բաքրաձեին, 42 տոկոսը՝ Նիկա Մելիային, 40 տոկոսը՝ Բիծինա Իվանիշվիլուն:

ԲԱՆԱԿ, ԵԿԵՂԵՑԻ, ԼՐԱՏՎԱՄԻՋՈՑՆԵՐ...

Միջազգային հանրապետական ինստիտուտի (IRI) կողմից անցկացված ուսումնասիրության համաձայն, բանակը, ինստիտուտների վարկանիշում, առաջին տեղն է զբաղեցնում՝ դրանում համոզված է հարցման ենթարկվածների 82 տոկոսը, 79 տոկոսը դրական է գնահատում եկեղեցու գործունեությունը, իսկ 64 տոկոսը գերադասում է լրատվամիջոցներին:

Հարցման արդյունքներով՝ 54 տոկոսը դրական է գնահատում ոստիկանության գործունեությունը, 52 տոկոսը՝ վարչապետի աշխատակազմի գործունեությունը:

2020 ԹՎԱԿԱՆԻ ԸՆՏՐՈՒԹՅՈՒՆՆԵՐՆ ԱՋԱՏ ԷԻՆ, ԱՐԴԱՐԱՑԻ ԵՎ ԹԱՓԱՆՑԻԿ

Նման կարծիք է հայտնել «IRI»-ի կողմից անցկացված հարցման ենթարկվածների 53 տոկոսը, ընդ որում, այդ թվից 25 տոկոսը դրանում համոզված է, իսկ 28 տոկոսը՝ որոշակիորեն համաձայն է նման գնահատականին: Նշենք, որ հարցման ենթարկվածների 35 տոկոսը նման գնահատականին համաձայն չէ, ընդ որում, նրանցից 19 տոկոսը կտրականապես համաձայն չէ, որ ընտրություններն անցել են արդար, ազատ եւ թափանցիկ: Նման դիրքորոշմանը մասնակի համաձայն է նաեւ հարցման ենթարկվածների 16 տոկոսը:

Էջը պատրաստեց ԱՐԵՎԻԿԱ ՄԱՆՈՒԿՅԱՆԸ